

Las raschuns da chalar sco president

Rico Tuor, il president partent da Medell/Lucmagn dat pled e fatg da sia demission.

3



La nova «Cratschla» è cumparida

La revista dal Parc Naziunal Svizzer infurmescha davart l'ecosistem gaud.

7

südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuiru, 081 544 89 10, redacziun@fmr.ch

■ ENGIADINA


La SRS vuol investir illa «Chasa Denoth»

(fmr/af) Daspö 20 ons as rechatta la Scuola Rudolf Steiner da Scuol (SRS) illas localitads da la «Chasa Denoth». Il proprietari da l'abitacul cun garaschas, uffinas ed ün tablà ha l'intenziun da til vender. Il pretsch per tuot il complex importa 1,25 milliuns francs. Ils respunsabels da la SRS han laschà elavurar a l'architect

Christian Hitsch da Dornach ün proget. Il proget prevezza da separar la sala e la mensa, d'adattar ils tets da las garaschas e da structurar nouv la piazza da scuola. Actualmaing frequentan 33 uffants e giuvenils da Lavin fin Ramosch la Scuola Rudolf Steiner a Scuol.

> PAGINA 7

■ SURSELVA



Dat in'egliada ellas steilas e buca sulet viers quellas el firmament, il Calender Romontsch 2021. FOTO CHRISTIAN SCHIRNER CC BY-SA2.0

Allas steilas

(fmr/ac) Il Calender Romontsch 2021 sefatschenta en sia 162ava ediziun dallas steilas. Diversas auturas ed auturs tematischeschan la steila ella poesia via damondas dalla expansiun digl univers sur l'astrologia entochen deletgs culinarics ed aunc bia auter. Ils davos raquens dil scribent Theo Candinas morts la primavera vargada han medemamein anflau la via el Calender Romontsch

2021. La redactura Lisa Schmidt-Candinas valetescha quellas contribuziuns per ina steila tut speciala. Sper il tschiel stelliu han aunc diversas autras contribuziuns anflau la via ella ediziun sco per exempel quella dil triegh da Lag Serein, reminiscenzas d'alp da Felici Schuoler e la historia da 100 onns da Nies Tschespet da Martin Cabalzar.

> PAGINA 3

■ GRISCHUN CENTRAL

Schi gl'on angal ple la vistgadeira

(fmr) Dantant tgi las letras grasas dallas medias en s'occupadas igls davos deis dall'elecziun digl president american e da corona è en evenimaint an Honduras prest ia sot: En orcan cun plievigas intensivass. Siva digl 2008 magna Patricia Scarpatetti da Cunter ena tgesa per uffants a Hon-

duras. Pervi da la inundaziun ò ella telefono an Svizra alla fundaziun dad «yo quiero ser ...» e dumando per sustign finanziar. Uscheia tgi ella possa cir a cumprar davantor igl pi basignevel pels uffants.

> PAGINA 8

Bagn en mument istoric

DA GION NUTEGN STGIER/FMR

■ Igl schaner da chest onn ò gia li all'Arena da biatlon a Lantsch igl campiunadi mundial da biatlon digls juniors. An tschintg onns s'inscuntra l'elita mundiala da biatlon ainten la regiun da Lai. Chella regiun segna igl 2025 per l'organisaziun digl campiunadi mundial. Per l'amprema gEDA ò chella occurrenza li an Svizra. Pigl biatlon, per Swiss Ski, per Lai e Lantsch bagn en mument istoric cun santeir sonda passada la novitad tgi Lai e Lantsch dastgan manar tras chel event. An en congress virtual ò l'Uniu da biatlon (IBU) cun 53 delegos decida da surdar alla Svizra per l'amprema gEDA l'organisaziun digl campiunadi mundial. La candidatura da Lai ò damai persvas pi fitg tgi chella da Minsk ella Bielorusia. Urs Lehmann, igl president da Swiss Ski, el è sa musso ventirevel siva dalla decisiun ed ò detg tgi pigl biatlon an Svizra seia chegl bagn la culminaziun.

> PAGINA 8



All'Arena da biatlon a Lantsch ò li an tschintg onns igl campiunadi mundial da biatlon.

FOTO GION NUTEGN STGIER

«...äs Schgarnützli mit altem Broot oder steinhertä Guatäli.»

In citat gualser, quai è bain ina premiera. L'influenza rumantscha dal pled «Schgarnützli» n'è dentant betg da snegar. – Pagina 12

Distincziun per Guido Baselgia

DA MARTIN CABALZAR/FMR



■ La regenza grischuna onurescha er quest onn la lavur culturala cun la surdada dal Premi da cultura grischun al fotograf artistic Guido Baselgia. Plinavant ha ella surdà set premis da reconuschientscha ed otg premis da promoziun. Malgrà las restricziuns da corona han il cusseglier guvernativ Jon Domenic Parolini ed il parsura da la cumissiun da culturala Köbi Gantenbein surdà personalmain ils premis a las persunas undradas. Quai sco act significativ en la crisa da corona che tutga virulentamain la scena da cultura. Ils oratur han punctuà che la cultura na saja betg mo relevanta per il sistem, mabain er vivonda existenziala per la vita dal singul e per la convivenza en la cuminanza. Il public ha pudì persequitar la cerimonia sin livestream.

> PAGINA 2



10047

Servetsch d'abunents e da distribuziun: tel. 0844 226 226 mail: abo@somedia.ch